

# *PONTŠO E KHOLOHALI*

 [Moena Neville o re, "...melemo eo Molimo o re tliselitseng eona ka tšebeletso ea hau le lerato. Moo, nakong ena, re ratang ho e bontša, ka mokhoanyana, ka ho u nyehela mphonyana."—Mohl.] Ke a u leboha, Moena Neville. ["Mahlohonolo a Molimo a lule holi'a hau, moena ea ratehang."] Ke u leboha, haholo, Moena Neville.

<sup>2</sup> 'Me ke a leboha, kereke. Feela ha ho tsebjoe se kahare ho eona. Empa ke ananela, ka pelo ea ka eohle, tsohle tseo esale le li bolela ho 'na, le lintho tseo le nketselitseng tsona. 'Me holane e se ka lona, nka be ke le sieo. Holane ho se motho ea lumelang Molaetsa oo Molimo o mphang oona ho o rera, ho O rera ho ka be ho sa thus. Bobeli ba rona, re tlameha ho sebetsa 'moho. Ka hona, ke ananela sena haholo.

<sup>3</sup> Kereke ea rona kamehla e na le hoo, bonnyane, hara rona mona, mokhoa oa ho qabola. Joale, eitseha ke kena, metsotsong e 'maloa e fetileng, ka phaposing e ka morao, motho o mphile sephutheloana, le ho re, na nka tsoela kalaneng ho nyehela Moena Neville *sena*. Ka maikutlo a ka a kananelo ho eena, le kopano ea kereke ena, le seo a se boletseng ho rona monongoaha, joaloka molebeli lilemong tse fetileng, le ka litšepo le lithapelo tsa hore o tla lula e le molisa oa rona lilemo tse ngata tse tlang, sesupo se tsoang ho 'na le kereke, Moena Neville.

<sup>4</sup> [Moena Neville o re, "Ke le leboha, haholo, lona bohle. Molimo o le hlohonolofatse. Ke leboha lintho tse mosa le thuso haholo tseo ke li fuoeng ke e mong le e mong le mang le mang ka phuthehong. 'Me ruri, hoseng hona, ke utloa botebong ba moea oa ka hore e mong le e mong oa rona le oa ho qetela re leboha Moena Branham ka botebo ka seo a boletsengng ho rona, le bosebeletsi ba hae. 'Me Molimo o mo atlehise o mo hlohonolofatse ha a tsoelapele ho Morena monongoaha, ke thapelo ea ka e tiileng. Ke leboha, haholo. Ruri ke a e ananela. Ho lokile."—Mohl.]

<sup>5</sup> Bana ba banyenyane, ho lokile, ke hopola bathoana joale ba lokela ho ea liphaposing tsa bona—tsa bona. [Moena Neville o re, "Ke hantle."—Mohl.] 'Me joale hopolang, le be banana le bashanyana ba lokileng, kantle mono phaposing hoseng hona. Hoba, ka mora tšebeletso, ke hopola le sietsoe monalethonyana, le molemo.

<sup>6</sup> Joale, ho batho ba holileng, joalokaha le bona palo ea bacha ba rona—ba rona e—e ehlide ke palo, re emetse ka tjantjello mohla re ka fumanang kereke e ncha ho arola littelase tseo.

<sup>7</sup> Ruri Khaitseli Arnold oa rona li mo tletse e—e sephaka; e sang letsoho, empa ho tlala sephaka. 'Me moralinyana oa

ka o ne a ntse a mpolella. A re, "Ntate, Khaitseli Arnold o imeloa haholo." A re, "Hobane, o bua le rona ka puo eo re ka e utloisang, ebe moo bathoana ba banyenyane ba etsang ho hong, 'me a tlamehe ho ema ho ba lokisa, u a bona." Ka hona mosali a le mong enoa o imeloa haholo ke sehlopha sena sohle. Ka hona re a mo ananela, eena le—eena tšebelisano ea hae e ntle ho etsa seo a ka se khonang nakong ena ea thkokahalo. Morena a mo hlohonolofatse.

<sup>8</sup> Joale re a tšepa, ka tsatsi le leng, haufinyane, ha Morena a ratile, ho fumana tabernakele e ntle e kholo moo re ka fumanang liphaposi tsa mefuta eohle ea littlelase tsa sekolo sa Sontaha. Bakeng sa maseanyana, ho be le fanelegrafo; le holimo holim'a sefala, holim'a *sena*, phaposi e kholo ea masea ea sefahlahetho sa galase, moo mooki ea rupeletsoeng a tla beng a hlokomela bana bohole ba banyenyane. Litsébeletso li ke ke tsa sitisoa, ho hang, ho tsamaea kapa ho titima hohle. Bathoana bana ha ba tsitsa, 'me ha ba utloisise. Ba tlameha ho ba utloisia. Ha ba khone ho re utloisia. 'Me ka hona, ha ho le joalo, moo tsohle li tla hlophisoa kamoo ke lumelang Morena a tla be a rata hore re e sebetse kateng. Re ke ke ra etsa majabajaba, empa kereke e ntle. Re lebeletse seo.

<sup>9</sup> Joale, bakeng sa ka le Moena Neville, ke sa tsoa rala mohopolo, o reng tsena ke lisutu tsa liaparo. Ha ke tsebe, Moena Neville. [Moena Neville o re, "Hoo, kapa ntho e 'ngoe."—Mohl.] Ke—ke nahana joalo. Ha ke na bonnête. Hoba, ho 'na ekare lebokoso la sutu. Na ha u ikutloe joalo ka eona? Uh-huh. 'Me e ka ba lisutu kapa lijase. 'Me ke—ke... Bobeli li batla li tšoana, ho a—ho a bontša hore mona ha ho hlomphuoetšobotsi ea motho. 'Me, ka hona, ke na le jase. 'Me kea tseba hore ba—ba... Ha se jase. Kahoo ho... L uena u na le eona, hape, e tšoanetse e be e le sutu. 'Me e mpa feela... Re mpa re ananela sena haholo!

<sup>10</sup> 'Me ke tiile, hore, joaloka balisa, baalosi, lentsoe *molisa* le bolela "molebeli, ea alosang linku," Ke tiile hore re le leboha haholo, e mong le e mong oa lona, hobane e ne e le—e ne e le mosa le mehopolo ea lona, le chelete, tse re hlahiselitseng mpho ena hoseng hona. 'Me ka mohau oa Molimo, re itlama ho ba molisa oa lona, ho etsa sohle seo re ka se khonang ho le tsamaisa tseleng e nepahetseng. Koana, ka linako tse ling, kamoo re buang lintho, ho ka ba thata ho utloisia. Empa re ho etsa feela joaloka masupatsela, ho leka ho le tataisetsa Sebakeng seo, hore, tsohong le tle le re ananele haholo mohlang oo. Hobane, ha re a ka ra ikhopola borona, ho iqalla ha re bua le lona, ha se mehopolo ea rona, empa ho leka ho sebetsa kamoo Moea o Halalelang a tla re tataisa. 'Me rona... e bile tsitlallelo ea rona. 'Me re sa ntse re hatella ho etsa hona hoo, ke hantle, bakeng sa ka le molisa.

<sup>11</sup> Re thabela ho bona mahlaseli a letsatsi. Doc, moena oa ka, o sa tsoa re o romeletse Moena Frankie Weber molaetsa, mane Florida, ho re, "Ha se eena feela ea ka tsoang ka Keresemese

a hlatsoa fensetere ea koloi ea hae, ka hempe e dimou li khutsoane.” O ne a etsa joalo, ho ne ho chesa haholo! Be, le a tseba Florida e khathatsoa ke mahlaseli a letsatsi, ho qopitsa Florida ka linako tsohle, e tlameha ho nyolohela Indiana ho bona kamoo sohle se tsamaeang kateng holimo mona. Na ha le nahane joalo? Kahoo, re thabela haele moo a re etela, e—e bonnyane metsotsoana e ‘maloa, hoseng hona.

<sup>12</sup> Empa, holima lintho tsohle, re leboha Leseli la Mora oa Molimo, le re chabisetsang leseho la Bosafeleng.

<sup>13</sup> Kea ipotsa haeba moshanyana, ea sa tsoa kena, a ka rata ho lula le motsoali oa hae. Kapa, tlelase ea sekolo sa Sontaha e ka morao, mothoana, haeba u rata ho ea morao mono. Moena Taylor, na u ka isa mohlomphehi e monyenyanne tlelaseng. Ke botle. Ka linako tse ling ba rata ho lula le lithaka tsa bona, le a tseba. Bona, lintho tsa bona li a tsoana, tseo ba ratang ho qoqa ka tsona. ‘Me ho joalo feels.

<sup>14</sup> Ngoananyana oa lilemo tse leshome le metso e ‘meli, joalokaha ke boletse khafetsa, ha u bona ngoananyana oa lilemo tse robeli, tse robong, tse leshome a ntse a khomaretse nkhone, ka linako tsohle, phoso e teng. Le a bona? Phoso e teng—e teng, hobane phapang ea lilemo tsa bona e kholo haholo. U ka inahanelia, nkhone o noketse khetsana ea lipompong kae-kae, eo a ka e nanabelang. ‘Me khaitselinyana, mahlohalo ao a khalletse khetsana ea lipompong. Hobane, ka tloaelo, ba ke ke ba qoqa ka letho, haese ho mo pholla le ho mo bokotsa. Empa ho joalo, ‘me re thabela ha ho le joalo feels.

<sup>15</sup> ‘Me ke hlahisa polelo eo, nkile ka etsa hoo, therong ea konyana le leeba. Le a bona, li na le lintho ka kopanelo. Li ka qoqa ka lintho.

<sup>16</sup> Masonic, Masonic Lodge, ba qoqa ka lintho, baena ba Masons Lodge; baena ba Odd Fellows Lodge. Majeremanane a na le lintho, tseo ba qoqang ka tsona, ho Mojерemanane, ka sebaka sa lehae, ha Majeremanane a kopana mona, e mong a tsoa lehaeng. Mataliana a na le lintho tseo ba qoqang ka tsona.

<sup>17</sup> ‘Me Bakreste ba na le lintho tseo ba ka qoqang ka tsona. Ke ka hona re phuthehang linqalong tse kang tsena, libakeng tsa Lehohimo ka ho Kreste Jesu, hobane re baahi ba Naha e le ‘ngoe. Re bajaki le baeti mona, ho lefatše lena. Kahoo re rata ho phutheha hoseng hona ha lisabatha le ka linako tsa kopano ea thapelo, ho phutheha ‘moho, hobane re na le lintho ka kopanelo. Re rata ho qoqa ka lintho tsa kopanelo, lintho tse tsoanang, tseo re li ratang: Morena, liketso tsa Hae. Motho e mong, pelong ea bona, e tukisoa ke ntho e itseng, Morena o ba folisitse, ‘me ba mpa ba batla ho itlhahisa holimo mono, “Na le bonang seo Morena a se entseng!” Motho ea hlohonolofalitsoeng haholo, ‘me a batla feels ho ea kerekeng, ho qoqa le motho e mong ka mahlohonolo ana. Le a bona, ke ka hona re nang le lintho ka kopanelo.

<sup>18</sup> Ho 'na ekare melumo ea kereke e ntlaufetse, hoseng hona. Ho 'na ekare ho joalo. Ha ke na bonneta. Molumo o neheletsana haholo ka mona.

<sup>19</sup> Empa ke thabetse litholoana tsa tsoseletso ea veke e fetileng haholo. Le a bona? Ha e a fuluha selehae feela, empa le ka mathoko, linaha tse fapaneng, re utloetse ka eona, hore Morena o bile molemo. Joale, e mpa e le ho chesa marokho a khale feela, ho lokisa lintho, le ho kena ho Morena, ho itokisetsa ho amoheela mahlohonolo; efela haeba nakoana eo e entse hoo, ho ka ba joang ha re ka tsoelapele? Le a bona? Ka hona, re se e tlohelle ea shoa. Le se phetse ho 'na le tšela libeso, ka linako tsohle, ho fihlela mesi e lopalla e bonoa lefatše ka bophara, hore Jesu Kreste o a phela, 'me mollo o teng o tukang lipelong tsa rōna.

<sup>20</sup> Kamora ho inehela bocha, ka seqo, le mohatsa ka, le joalo-joalo, ra bona lintho li fapane haholo lapeng. 'Me ha re sa tšoeroe ke dinerefe, re thothomela le ho qhomaka, "Re ke ke ra fumana sena, 'me re ke ke ra fumana *sane*." Re ile ra e atamela ka khutso feela, 'me re phethile boholo.

<sup>21</sup> Kahoo, joale, selemo se secha se a tla. 'Me ha re lumele ho phetla maqephe a macha, re mpa re lumela ho chesa a khale. Le mpe le ipoloke le inehetse Molimo isao, ha re tsebe seo Morena a tla re etsetsa sona.

<sup>22</sup> Empa re leboha e mong le e mong oa lona. Ke leboha Molimo haholo ka setho se seng le se seng sa 'Mele oa Kreste, hohle. 'Me hara mekhahlelo eohle ea litumelo tse fapaneng, ho sa tsotelehe kamoo ba ka tsoang ba sa lumelane le 'na, ke sa ntse ke leboha ha motho e mong... Leha nka ba hopola ba fositse hanyenyane, Lengolong, empa koana ba leka ka cheseho ho emela seo ba se lumelang. Ruri ke ikemiselimtse ho mamella baena bao, 'me le bona ba mamelle liphosong tsa ka le linthong, hobane ha ho le ea mong oa rona ea phethahetseng.

<sup>23</sup> Empa Molaetseng oa mantsiboea a mang, mohla ke ne ke bua ka Molimo O ikarolang mane Pentekosta, nakong ea mateano, kapa sebokeng moo qeto e neng e tlameha ho etsoa, "Ebe Kereke e ncha ena ea Bokreste e ne e tla ba Kereke ea mofuta ofe?" Seboka se tšoareloa morero oo. 'Me re fumana Bukeng ea Liketso, khaolong ea 2, re fumana ho ile ha qetoea ka Kereke ea mofuta ofe; Kereke ea mofuta ofe, Kereke e ne e tla ba eng, karabelo ea Kereke e ne e tla ba efe hoba e amohele Kreste. Ke rata seo. 'Me ke loela ka tjantjello Kereke eo e kileng ea theoa ka Letsatsi la Pentekosta khetlo le leng. Joale, E ne e sa tloaeleha mohlang oo, E a makatsa joale. 'Me Eona, efela ha sebe se lula se le teng lefatšeng, le ntoa e tlamehang ho loana, e tla besale e iloa ke lira tsa rona, empa koana re thoothella lintho tse bohloko tsa Molimo tseo Molimo o tlang ho re etsetsa tsona.

<sup>24</sup> Joale, litsebiso, ke kholoa Moena Neville a se a li entse.

<sup>25</sup> Le ka ho ba lapeng vekeng ena, ho rapela le ho batla sefahleho sa Morena. Hoba, isao ena, ka thuso ea Molimo, ha feela A ka nthusa, ke batla ho hatella ntoa ka matla ho feta kamoo nkileng ka etsa bophelong bohle ba ka. 'Me koana boholo ba selemo sena bo tla sebelisetsoa masimong a sele, le bo-Haiti, le lihlekehlekeng, le Amerika Boroa, le Afrika, le Asia, le India, le—le holimo koana Scandinavia. 'Me tseo tsohle li lokela ho qetoa vekeng ena, ha Morena a lumella. Ka baka leo haeba ke ikutloa ke susumetsoa ho etsa taba kapa ho ea nqa efe, Morena o nthomile ho etsa joalo.

<sup>26</sup> Ka hona ha ke theoha sefofaneng, ho hata holim'a litša, 'me e 'ngoe e le ena e bonahala e tla, le ho re, "Oh, phutheho *ena* ea bolumeli bo itseng eikhutse, *sena* se entse sena, kapa *sena* se fositse, kapa ha re a khona ho etsa *sena*, kapa bolaoli bo re re ke ke ra tšoara kopano."

<sup>27</sup> Ke moo ke ratang ho ema, "Empa ke tla ka Lebitso la Morena." 'Me ke a tseba eo ke liablosi, ke hona. Le a bona, ha se, "Na ke entse phoso?" Ke ile ka etelloa pele. Joale u ka ema ka mahetla a hau mohomeng, 'me ua hatella ntoa ka matla.

<sup>28</sup> Joale, pele re phetla Buka, kapa ho kopa Molimo ho E phetla re sa E bala, Ke rata ho bolela lebaka leo ke tlisetsang kereke Molaetsa ona hoseng hona. Ke Molaetsa oa ka oa Keresemese ho kereke. Ke e . . . ha Moea o Halalelang o ka nthusa ho hlahisa seo ke se lumelang ka 'ona. Joale, ho sa tsotellehe kamoo e ngotsoeng ka makhethe Mangolong, le hore motho o e utloisia hakakang, ba tlamehile ho itšetleha ho Moea o Halalelang ho e hlahisetsa batho. 'Me ke feela ka moraonyana ho Keresemese, hoba le utloe lipale tsohle tse fapaneng tsa Keresemese le e—e likhaso, le tse joalo, tsa melaetsa ea Keresemose. Ena e tla ba e ikhethang hanyenyane, bakeng sa pale ea Keresemese, empa leha ho le joalo Molimo o e behile pelong ea ka.

<sup>29</sup> 'Me joale ha re inamiseng lihloho tsa rona motsotsa feela, ka pela Sefahleho sa Oona le liriti tsa toka ea Oona, ho kopa mohau.

<sup>30</sup> Oho Molimo, Mopholosi le Ntate oa rona ea Bokoang, re atamela terone ea Hau ea mohau. Ka Lebitso la Morena Jesu, Mora oa Hau, re inyehela ka boikokobetso hoseng hona, ho U nyehela lithapelo tsa rona le liteboho tsa rona, ka tsohle tseo U re etselitseng tsona. Veke ena e fetileng, haholo, kamoo lipelo esale li lapileng, 'me batho ba itima lijo, 'me Moea o Halalelang o ba hlohonolofalitse, ho entsoe lintho tse kholo hara rona! Bakuli ba folile. 'Me Molimo o tsebisitsoe, hore O a phela, 'me O rata batho ba Oona.

<sup>31</sup> Le hore Mantsoe a sa ntsane a tiile hakaale, a moporofeta, mohla a neng a bolela Mantsoe a Morena Molimo, mohla a itseng, "Ekare ha sechaba se bitsoang ka Lebitso la Ka se phutheha, se rapela, ke moo Ke tl Lang ho utloa Leholidong." Mantsoe ao ke 'nete sa mohla a neng a boleloa khetlo la pele. Re fumane hoo ho

le joalo, Morena. Joale, re a rapela, re tšoarele sebe sohle sa rona, ho se lumele hohle ha rona, e leng sebe.

<sup>32</sup> 'Me re tla rapela, Morena, hore U tle u re buseletse tumelo eo e kileng ea tsamaisa Kereke eo ea pele. Ha se ho kopa liphate tsa lipalesa tsa boiketlo, empa ho kopa mohau oa Molimo feela, le Boteng ba Oona, le mahlohonolo a Oona ho tsamaea le rona. Leha e ka ba tšimong ena kapa tšimong e mose ho leoatle, leha e le monono, leha e le liphate tsa boiketlo, e ka bang lithekong tse kapele tsa ntoa, ho sa tsottelehe e ka ba kae, Morena, thato ea Hau e nyenyane ka ho fetisisa ke takatso ea rona e feteletseng ho U sebeletsa. Re hlakisetse eona feela, oho Morena, re tle re se fose tsela, hoba re tsamaea lefatšeng le lefifi le le foufetseng, hara batho ba foufetseng ba baetsalibe. Ka baka leo, hleka tsela ea rona, Ntate, le ho re tsamaisa ka thato ea Hau, linku tsa makhulo a Hau.

<sup>33</sup> Molisa oa mohlape a tsamaise batho ba Hae ka mosa le ka boikokobetso, re sa ntse re U emetse hoseng hona bakeng sa Molaetsa oa hoseng. Moea o Halalelang a bue ka ho hlaka le pelo ka 'ngoe 'me re habanye seo moporofeta a neng a bua ka sona, 'me tabeng eo, ke hona, ho fuoa mahlohonolo a tlotlehileng a Boteng ba Molimo, ho thasisetsa Lentsoe ka leng. Re e kopa ka Lebitso la Jesu, Mora oa Hau, Mopholosi oa rona. Amen.

<sup>34</sup> Ke tla kopa mokhupi oa rona hoseng hona, ba tšoereng Libibele, ha ba ka lakatsa ho bala le 'na, Mangolo, kapa ho ntatela ha ke bala, ha le ka phetla Bukeng ea Esaia. Moporofeta Esaia, le khaolo ea 7, ke rata ho bala ho tsoa karolong ea Lengolo lena. Ho Esaia, khaolo ea 7, re tla qala ka puisano ea Molimo le Akase, temaneng ea 10.

*Hape MORENA a bua le Akase hape, a re,*

*U kope pontšo ho MORENA Molimo oa hau; e kope leha  
e le botebong, leha e le maholimong.*

*Empa Akase a re, Nke ke ka kopa, leha e le ho leka  
MORENA.*

*A re, Utloang lona...ba ntlu ea Davida; Ke ntho e  
nyenyane ho lóna ho khathatsa batho, empa na le tla  
khathatsa le Molimo oa ka?*

*Ka baka leo Morena ka sebele o tla le nea pontšo;  
Bonang, moroetsana o tla emola, 'me a tsoale mora,  
'me...mo ree lebitso la Emmanuel.*

*O tla ja sereleli le mahe a linotši, a tle a tsebe ho  
hana...bobe, le kheth...khetha...molemo.*

*Etsoe pele ngoana a tseba ho hana...bobe, kapa  
ho khetha...hantle, naha eo u e hloileng e tla ba e  
tlohetsoeng...likhosí.*

<sup>35</sup> Ha nka bua taba ho tsoa mona, ho rala moevelo, ke kopa ho sebelisa lentsoe: *Pontšo E Kholohali.*

<sup>36</sup> Holim'a re aperoe ke bosiu bo lefifi ka ho fetisisa, 'me ekare ho . . . ka linako tse ling bosiu bona bo fifetse ebole ha re bone le matsoho a rona ka pela rona, ke ka eona nako eo lehalima le litsenene le phatsimang le khanya ka ho fetisisa. Re le romeletsoe ho bontša hoba leseli le ka hlaha lefifing.

<sup>37</sup> Mona e ne e le mehleng ea puso ea Akase, khosi e khopo. 'Me haeba le hlokometse, e—e Morena o ne a sa lebisa molaetsa ho Akase, empa ho ntlu ea Davida. "Utloang, oho lōna ba ntlo ea Davida! Pontšo e tla ba ena." Hobane, ba ne ba kene ntoeng, baena khahlano le baena, 'me e bonahetse e le hora e lefifi ka ho fetisisa maetong a Iseraele le lephallong la bona. Empa Molimo oa phatlola, ka moporofeta, pontšo ea Bosafeleng. Joale, lipontšo li etsahala khafetsa . . .

<sup>38</sup> Batho ba na le lipontšo. 'Me re phela lefatšeng le tletseng lipontšo. Motho esale a lekile ho sibolla pontšo e itseng. Motho esale a lekile, ka lipatlisiso tsa hae tsa mahlale, ka phihlello ea hae, ho etsa pontšo eo e ikhethang, kapa sehopotso sa bohlale ba hae, sa boholo ba hae, kapa hore ke ramaboko e mokakang. O entse hoo lilemong ho theoha.

<sup>39</sup> Ho tea mohlala, mohla bohlale ba lefatše ba bosesisi ba likepe, lilemo tse ka tlasana ho lekholo tse fetileng, ba ne ba etse qeto ea hore ba bohlale hoo ba ka nehelang lefatše e—e pontšo ea boqhetseke ba botei ba bona, ho ikahela sekepe seo ho seng leqhubu le boholo bo lekaneng ho se tebisa. 'Me ba rea sekepe sena se ikhethang Titanic. E ne e le sehopotso sa kamehla ho lefatše, hore bonono bo boholo ba kaho ea likepe bo finyeletse phetheho, ba ka supisa lefatše hobane sekepe sena se ke ke sa teba.

<sup>40</sup> Kahoo, ka polokeho eohle e itšetlehileng ka bohlale ba lihahi, le lipuo tsa bona le meqoqo ea bona, le mapaki a mahlale a tlalehang sekepe sena se ne se ke sa teba! Joale mohla lintho li hlahisetsoang batho joalo, ba—ba bonahala ba iphomolela ka bonnete bo reng tsohle li lokile, ha feela lipatlisiso tsa mahlale li e tlaleha e lokile.

<sup>41</sup> Eaba ba ntse ba parola leoatle ka sekepe sena, leetong la sona, 'me ba ikutloa ba bolokehile ho se letho ho ba etsa hampe, ba makha mokete oa littlele oa botahoa ke hona. 'Me basali bohole banna ba sekepe, kapa, re ka re bongata ba bona, nka re, ba tahoa; esita, ho thualo, esitile moqobi le mokapotene, le bao bohole. 'Me lihlopha tsa 'mino tsa qala tsa pheula e—e 'mino oa jeze, etsoe e ne e chesheloa haholo letsatsing leo, joaloka ha re fumana rokon-rolo kajeno. Hobane, ba ne ba bolokehile, ba kene sekepeng sa batho ba hlahiseltseng lefatše pontšo ea bohlale ba bona, ho itsoe, "Sekepe sena se ka phutla maqhubu afe kapa leoatle lefe."

<sup>42</sup> Eare ba safafotsoe ke sefitahlohoana sena sa botahoa, sa toba n̄g'a moholi. 'Me mokapotene e mong a re, "Re tlameha

ho hlahloba lienjene.” Empa bolaoli bo sehloohong bo itse, “Se neheletse, ‘Toba pele feela!’ Re tlameha ho kenela memo ea mofuta boema-kepe.” Eare se sa ikakhetsa ka sefutho hara moholi, se sa mong’ a maemo, hang-hang, sa thula khohlo-leqhoa, ‘me sa tetebela tlas’ a metsi.

<sup>43</sup> ’Me ha re phetheloa ke seroki se ngotseng pina eo, “Molimo, ka letsoho la Oona le matla, o supisa lefatše lena hoba le ke ke la tiea.”

<sup>44</sup> Katlehohali ea bona ea lepellela botebong ba leoatle, e jere makholo-kholo a matahoa a batho. E ke ke ea sebetsa feela.

<sup>45</sup> E ne e le mofu Adolf Hitler ea fang batho ba Jeremane pontšo ea hobane e ne le mohlalefi, o ne a tseba ka tsa bophelo bohole ba sesole. ’Me, ntle le ho mo nyatsa, o ne a hlide a tseba haholo. Empa a tiisetsa batho ba Jeremane, ka ho haha seo re se bitsang Lerako la Maginot, kapa Lerako la Siegfried, a tšolla litono tse libilione tsa konkreite le setala ’moho. A supa boitšepo ba hae ho lona, a ba a fallisetsa lintlu-kholo tsa hae lithekong tse kapele, teng lireshurente le likhoebo li sebetsa tlas’ a lefatše, teng ba matahantse litono tse libilione tsa setala le samente. Ho sa tsotellehe se hlhang, Jeremane e ne e natlafalitsoe. E ne e le pontšo ea polokeho. Empa seqhomane sa mehla-ea-sejoale sa le phatlolela Bosafeleng, le Hitlelara ’moho le lona.

<sup>46</sup> E ne e le Nimrode, letsatsi le leng, ea boletseng a tla aha tora e tla kenya sechaba sa habo, a tla pepesa seo a neng a ka se finyella ka bohlalefi ba hae. ’Me a tla haha tora e tla fihla ka nqane ho maru, hore, etlereha khalefo ea Molimo e ka phatloha, a ka Mo phelekanyetsa. Ka lipatlisiso tsa hae tsa mahlale, a ka patisa majoe le mafika hoo a ka phallisetsang batho polokehong, ka bohlalefi ba hae. Ea mpa ea fetoloa lefeela, ke pherekano ea lipuo, ‘me ba sitiloe ho phethela tora.

<sup>47</sup> E ne e le Nebukadnezare ea ahileng marako a Babilona, a ntoo ithorisa ka eona. A le bophara hakaalo, lihlooho tse tšeletseng tsa lipere le makoloi li ka beisa li pota marako. Boholo ba likhorso oona, ho fihlela banna ba fufuletsoe bophelo ba bona, ho horometsa koporo likhorong tsa boima ba litono tse makholo; motseng o moholo, li ne li hloka ho buloa ke makhotla a banna. Ho ne ho se motho ea ka amang Nebukadnezare. Empa bosiu bo bong, mohla ba futhileng mokete oa botaho, ba ikhopola ba bolokehile ka mora marako a mahlale a bona, ba tšoere lihlomo tsa mehla ea bona, ha hlaha Letsoho le ngolang leboteng. ’Me eaba ke phetho.

<sup>48</sup> Oh, kamoo motho a lekileng ho isa motho polokehong, ho itokotela polokehong, ka lipontšo tsa katleho ea hae. Ekare, kahobane batho ba batla pontšo, lebaka la eona le tlameha le be le le teng; ntho e leng kahare ho motho e tsetselelang morero kapa pontšo, ho tsoa nqa e ’ngoe, a tle a bolokehe.

<sup>49</sup> Eaba Molimo o bua, oa re, “Ke tla ba hlahisetsa pontšo ea kamehla. Ke tla hlahisetsa Kereke pontšo ea kamehla.” E ne e sa tl’o ba lerako le leholo kapa tora. O itse, “Moroetsana o tla emola, ’me a tsoale Mora, ’me Lebitso la Hae e tla ba ‘Emmanuele.’ Eo e tla ba pontšo ea Molimo ea Bosafeleng.” E nyatseha hakakang! E nyenyanekakaang!

<sup>50</sup> Na le a utloisia hoba linthoana tseo u li tlolang holimo le ho li feta mohoalotso, ke tsona tse bohloko haholo ho Molimo? Na kereke e ka utloisia seo hoseng hona? Ka katleho ea rona joaloka mokhatlo, le meaho ea hae e meholo le ka mesebetsi e tsoileng-matsoho, re ntse re tlolisa mahlo linthoana tse bohloko haholo ho Molimo le tse kholo hakana pheletsong ea Bosafeleng ba rona. Re siea ntho tseo.

<sup>51</sup> Molimo oa re, “Ke tla u hlahisetsa pontšo ea Bosafeleng. Moroetsana o tla emola, a tsoale lesea.”

<sup>52</sup> Hobaneng, hobaneng lesea, hobaneng e lokela ho ba e—e lesea? ’Mopi ka Seqo o tlameha ho tla tla phela kahara popo ea Hae, ho fetoha pontšo ho motho? Hobaneng ha e loketse hore e be lesea? Hobaneng A sa ka a re, “Ke tla haha lere e kholo, ’me lona bohole . . . e kang toro ea Jakobo. Kapa, ke tla rotha Leholidomong, mehohomeng ea Leholidomong, khole, le ho le fa matla, hore, etleraha le ipofella ho eona, Ke tle ke le phahamise”?

<sup>53</sup> Empa, O tlide ka ho nyatseha haholo. Le ho re, “Lesea le tla tsoaloa. Eo e tla ba pontšo. E ke ke ea eba pontšo feela, empa e tla ba pontšo e kholo.” Lesea! Khele, bohlalefi ba mahlale bo ka tseha mohopolo o joalo sefahlamahlo. Empa, ho Molimo, e ne e le pontšo e kholohali. “Moroetsana o tla emola, ’me lesea lena le tla bitsoa *Emmanuele*, ke ho re, ha ho fetoloa, ‘Molimo o na le rona.’” Ke eona pontšo e kholohali eo.

<sup>54</sup> Molimo oa Leholidomong, o phelang le batho, ke pontšo e kholohali. E ke ke ea eba pontšo ea letsatsi leo feela, empa ea letsatsi lena le ea matsatsi ’ohle, hore Molimo o phela le batho ba Oona. Emmanuele, Molimo o na le rona, ena ke pontšo e kholohali. Ena ke pontšo ea Bosafeleng, pontšo ea kamehla, eo Molimo o e abileng.

<sup>55</sup> ’Me hobaneng A ile a fetoha lerole, lona lerole la popo ea Hae ka Sebele? ’Mopi a fetoha seo, lerole la popo ea Hae.

<sup>56</sup> Motho o leka ho etsa ntho e kholohali. Empa, eareha Molimo o hlahisa pontšo, e ne e le ntho e nyenyanekakaang. Motho o leka ho sebetsana le litaba tse kholo. Molimo o sebetsana le taba tse nyenyanekakaang. Motho o leka ho re, “Hobane bohole ba tsamaea ka tsela *ena*, tloong re ba etsise Hollywood.” Molimo o batla palo e nyenyanekakaang. O batla ho—ho tlohela lintho tsohle tse kholo, ho amohela tse nyenyanekakaang.

<sup>57</sup> “Lesea le tla tsoaloa, Emmanuele e monyenyanekakaang o tla hlahisa pontšo, e ne e le ntho e nyenyanekakaang. Molimo oa popo o fetoha karolo ea popo ea Oona ka Sebele. Molimo, ’Mopi oa Maholidomong le lefatše, Ea entseng lerole le lifate,

le lintho tsohle tse leng teng, o fetoha karolo ea tsona. Eo e tla ba pontšo, O tla tla ka mokhoa oa motho.

<sup>58</sup> Joale, A ka be a ttile ka mokhoa o mong. A ka be a ttile ka mekhoa e meng, ka—kamekhoa e meng ea ho tla ha Hae.

<sup>59</sup> Oa mpa Oa khetha ho tla ka mokhoa ona, ho hlahisa pontšo, pontšo e kgolohali. “Moroetsana o tla emola, ’me a tsoale Mora, ’me ba tla Mo rea ‘Emmanuele.’” Joale, e ne e le ka lebaka lefe? Lebaka ke lefe?

<sup>60</sup> Hobaneng A sa ka a khetha ho ba Lengeloi? A ka be a e entse hoo. A ka be a ttile e le—e le monna ea holileng ka botlalo. A ka be a ttile ka tumeliso e feletseng e tsoang Leholidong, ho teeloahare ke Mangeloi le Libupua tsohle tsa Leholido; ho lepeletsa ho tsoa mehohomeng ea Leholido, sehloelollo sa gauta, ’me A ka be a theohile ka sehlopha ’mino sa Lengeloi. A ka be a e entse hoo.

<sup>61</sup> Empa O itse, “Ke tla le fa pontšo, pontšo e kholohali, pontšo ea kamehla. Moroetsana o tla emola, a tsoale ngoana.”

<sup>62</sup> ’Me mohla A neng a lokela ho khetha nqalo eo ngoana enoa a tla tsoalloa ho eona. A ka be a theohile ka lere, Leholido le Mo ahetsese mokhanya o tletseng. A ka be a theohile Leholidong e le Lengeloi, kapa ho theoha joaloka monna ea holileng ka botlalo. Empa Eena, hape, a ka be a kene ka tlung ea bokhosí.

<sup>63</sup> Empa O itse, “Ke tla hlahisa pontšo.” Eaba pontšo e bolelloa balisa, “Le tla Mo fihlela setaleng, a phuthetsoe ka masela.” Eo ke pontšo e kholohali, ho tsoalloa holima tutulu ea moiteli, le lephoka la moliko, A sa apesoa le liaparo, Emmanuele. Liabolosi o batla ho etsa lintho tse kholo le tse phatsimang. Molimo o baballa lintho li nyatseha. Potšo e kholohali, “Le tla fihlela Lesea le phuthetsoe ka masela, le robetse sejelong. Ena e tla ba pontšo, pontšo e kholohali.” Mehengleng ea Hae lefatšeng, E ne e le mofutsana ea mokaale. Na re ka bua ka nako e boima? Mothoana enoa ke Mang? Ke Jehova!

<sup>64</sup> Jehova Molimo a fetoha motho, a ikapesa moloho oa rona, a Itsoaka ho tloha ho Molimo, le ho fetoha motho. Pontšo ke eo. Ho fetoha . . . E ne e le Molimo, ’me a fetoha motho; e seng morui, empa mofutsana. Ena ke pontšo e kholohali. “Le batlile pontšo,” ho itsalo ke Molimo, “Ke tla le hlahisetsa eona, pontšo ea kamehla.”

<sup>65</sup> A ka be a ttile ka tsela ese, joalokaha ke boletse, empa, lesea, hobaneng A fetohile lesea? Eitseha molongoana oo oa pele, o lisene o ahlamisoa sejelong seo, holima moalo oo oa pele. . . hoseng ha Keresemese ea pele, ka moalong oa Hae o monyenyanee oa sejelo, ’me mokhosinyana oa lentsoe la Hae, eo e ne e le Molimo o llang. Jehova o a lla, monna; ho tsoa ho Molimo, ’me ea eba motho, ka botlalo, e ne e le monna. Ho fihla lefatšeng a se na letho, empa e ntse e le motho. O ne A leka ho etsang? O ne a rerile eng?

<sup>66</sup> O ile a lla joaloka lesea, kahara sejelo. O ne a bapala joaloka moshanyana, seterateng. O sebelitse ka thata joaloka motho, empa koana E ne e le Emmanuel. Ena ke pontšo kholohali. Molimo o ahileng popong eo O e entseng. Pontšo e kholohali, “E tla ba pontšo ho lona.”

<sup>67</sup> O ne a futsanehile hakaale, mohla A neng a fihla lefatšeng, O tlide ka popelo e alinngoeng, popelong e alinngoeng ea mosali. ‘Me a tlameha ho alima lebitla, ho patoa ho lona. Molimo! “Moroetsana o tla emola, a sa ka a ama ka ketso ea bong.” Jehova o ile a alima pōpelo ea Maria, mosali, ho phethisa mosebetsi oo A neng a tla o nehela oa pontšo ea kamehla. Le ho futsaneha hakaale, lefatšeng, ka mora lilemo tse mashome a mararo a metso e meraro le halofo, tsa tšebetso, A tlameha ho alima lebitla ho patoa ho lona. Na le ka nahana? Le bua ka kemolo e halalelang, athe u bolelang, le hona?

<sup>68</sup> Na ha le bone pontšo ea mannete? Ke Jehova ea fetohang e mong oa rōna. Jehova Molimo lefatšeng, e le moleleri, mojaki naheng eo A e bopileng; ho hanoa, le ho sututsoa, le ho tšeihuoa, le ho songoa; Lejoe le khopang ho ea sa lumeleng, Lefika la khopiso; liabolose, lefatšeng la bolumeli. Empa pontšo ea Bosafeleng ho molumeli, “Molimo o na le rona,” pontšo e kholohali. Le a e bona na? Molimo o bonahalitsoe, Molimo o Itlhahisetsa lefatše, joaloka moleleri. A ka be a tlide ka mokhoa osele, empa ho khetha ho tla ka tsela ena.

Mamelang Sena. Le se ke la E fosa.

<sup>69</sup> Ke nahana Molimo o ne o hopotse mohopolong oa Oona, hore e ka hohela morabe oa motho. È joalo, ho molumeli. Ke ntho e hohelang ha Molimo oa rōna e-ba e mong oa rōna. Empa, ho ba pompetseng, ba hlokang borapeli, ke kutu e klothometsang. “Ke tla le hlahisetsa pontšo, moroetsana o tla emola. Emmanuel o tla ba le lona.” Molimo o ne o hopotse hobane e tla hapa morabe oa batho, ha Molimo oa rōna e-ba e mong oa rōna, hore O ne a ka Itsoaka le ho fetoha lerole la rona, A tle a fetoha lesika la rona, lesika la motho; ‘Mopi Ea entseng lintho tsohile.

‘Me, hape, e phethahalitse boporfeta. Baporofeta ba ne ba e bone.

<sup>70</sup> ‘Me ntho e ‘ngoe, “Lentsoe le ne le etsoe lerole, nama, le ho aha hara rona.” Jehova, Lentsoe la fetoha motho, ho fetoha lerole le ho lula le rōna. Pontšo ea *Ea Kamehla*, “e ke ke ea fela.” Oh, ha re e nahana, pontšo ea Bosafeleng, lipontšo tse kholohali hara pontšo eohle, Molimo o fetoha e mong oa rona.

<sup>71</sup> Le hona, hape, O loketse ebe Peo ea Abrahama. Abrahama, ehlile, e ne e le peo ea Eva. Eva . . . “E ne e le Peo ea mosali e neng e tla khoba hlooho ea noha.” Empa, Abrahama, haeba u ka e tšoara, o ne a ruile tumelo ho Molimo, e ileng ea kopanya Moea oa Molimo le nama ea motho. Ke hona moo tumelo e fihlang teng. Ke ka hona E neng e ka ba Peo ea Abrahama, hase nama eohle, empa

kopano ea Moea le nama 'moho. Molimo, ho Iketsa . . . ho tabola ho ntša, ho fothola bobe bohle, ho bea nama tlasa bohlanka, lerôle leo A le bopileng, le ho phela le lona joaloka e—e molekane.

<sup>72</sup> Ntho e 'ngoe, ha A eso a silafatse kapa ho hohlana le ofe oa melao ea Hae. A ke ke a etsa hoo. Kahoo, "Moroetsana. Ke tla le fa pontšo." E seng Titanic, e seng U.N., empa, "Ke tla le fa pontšo ea polokeho. Moroetsana o tla emola, 'me o tla tsoala Mora, le ho Mo rea 'Emmanuele.'" Ke eona pontšo. E.

<sup>73</sup> Le a bona, melaong ea Molimo ea topollo, jwaloka ha ho etsahetse ka Boase le Naomi, e ne e loketse ho ba oa leloko le haufi. 'Me mokhoa o le mong motho a neng a ka lopolloa, Molimo o ne a loketse ho fetoha oa leloko, le haufi. Ke batla hore le e bone. Ha A ka a fetoha oa leloko le ka mohla, ho hang, le ba ruileng, le ba matla. Empa O hlahetse setaleng, ho phutheloa ka masela, e seng ho motho e moholo, empa ho ngoana. E ne e le Molimo holima popo. O khethile ho e etsa, ho se tle joaloka monna ea holileng ka bottlalo. O tlie e le hore A tle a utloe maikutlo a mahlomola a maseanyana. O tlie hore A tle a fete litekong tsa bacha. Ho ka ea, hore A tle a utloe mokhathala le lifi tsa diabolosi, joaloka motho, le ho hlekela batho ba mengoaha eohle tsela, ba mengoaha eohle le ba lihlopha tsohle: mafutsana, barui, bohle. A fetoha mofutsana, hore, ka bofuma ba Hae, re tle re be barui le majalefa le Eena 'Musong. Pontšo e ne e tla abjoa, ho Itsoaka, ho Iketsa ntho e hosele le eo A neng a le eona; joale pontšo e kholahali, ho lla joaloka lesea, ho bapala joaloka moshanyana, ho sebetsa ka thata joaloka motho, empa e ne e le Molimo o phelang mekhahllelo eohle ea bophelo joaloka rona.

<sup>74</sup> Le a tseba, Molimo o hlahisa lipontšo tse ngata tsa hore E ne e le Molimo. O hlahiseltse lefatše la pele ho moroallo pontšo, hore E ne e le Molimo, Molimo oa kahlolo. O bolaile batho ba mehla ea Nohe ka metsi, le ho fofisa ba lokileng kahara areka; pontšo ea hore O ne a lokile, 'me kahlolo e ne e tiile. Eo ke pontšo, hore moetsalibe e mong le e mong ea sa bakeng o tla timela kahlolong, hore ba lokileng ba tla bolokoa ke mohau oa Molimo.

<sup>75</sup> O hlahisitse pontšo e 'ngoe sehlahleng se tukang. E ne e le eng mohla A neng a qhautsa moporofeta oa Hae oa 'malehi, "Ke utloile lillo tsa sechaba sa Ka, 'me Ke hopotse selekane sa Ka" ? O ile a hlahisa pontšo e 'ngoe mono, hore E ne e le Molimo o bolokang selekane, hore O ne a hopotse sohle seo A se boletseng, tsepiso e 'ngoe le e 'ngoe eo A e entseng. Oa hlahisa pontšo sehlahleng se tukang, "Me Ke theohile ho ba lopolla."

<sup>76</sup> Shebang Molimo litseleng tsa Oona tsa mosebetsi. Mohla O ne o bopa Maholimo le lefatše, Oa na oa bitsa Mangeloi 'moho, 'me Oa re, "Tloong re." Sebaka se seng le se seng Lengolong moo O entseng eng le eng, haholo, "Ha se 'Na, empa e le Ntate oa Ka."

<sup>77</sup> Empa mohla ho fihloang leanong la topollo, O tlie a le mong. Ho ne ho se motho ho Eena. E ne e le Eena feela ea neng a ka tla.

Lengeloi le ne le ke ke la khona ho e etsa. Monna e mong, ea bitsoang mora oa Hae, o ne a ke ke a khona ho e etsa. E mong ea bitsitsoeng ho hong, moroetsana ea halalelang, kapa 'mè ea halalelang, kapa—kapa mohalaleli e mong, o ne a ka sitoa ho e etsa. Molimo o ne a tlamehile ho tla! “Me Ke tla le fa pontšo. Moroetsana o tla emola; 'me ho tla tsoaloa lesea, 'me E tla ba Emmanuele, Molimo o na le rona,” pontšo e kholohali. Molimo kahara batho ba Oona. Molimo le batho ba Oona. Molimo e-ba batho ba Oona. Molimo le motho ba e-ba bang. Pontšo! Kutu e kothometsang ho lefatše, empa tšepo bokoang ho molumeli. Pontšo e tla nyefoloa.

<sup>78</sup> O kile A paka lekhetlo le leng. Oa paka ka moroallo hobane E ne e le Molimo oa kahlolo, le Molimo oa mohau ho ba bolokang Melao ea Oona.

<sup>79</sup> Oa bontša sehlahleng se tukang, ka pontšo, hore O tla boloka tšepiso e 'ngoe le e 'ngoe eo A e entseng.

<sup>80</sup> Le Leoatleng le Lefubelu, O bontšitse hobane O ne a tla etsetsa ba lekang ho etsa ka ho loka le ba latelang Molao oa Oona tsela. Ho sa tsotellehe se emang tseleng, Molimo o pakile Leoatleng le Lefubelu, le ho hlahisa pontšo, hore O ka phetla leoatle. Tekong e 'ngoe le e 'ngoe, O tla etsa tsela ea ho phonyoha. Ho re, “Mè ha a E lumele. Ntate ha a E lumele. Kereke ha e E lumele.” Ha ke tsotelle ea sa E lumeleng. Haeba u E lumela, Molimo o tla etsa tsela ea ho phonyoha. O hlahisitse pontšo ea hore O tla etsa joalo. Ba ne ba le tseleng ea bona, ba tobile lefatše la pallo, moo Molimo neng o ba baletse teng. 'Me Leoatle le Lefubelu la ba koalla, 'me ba kena mathateng. Ba sa tsebe seo ba ka se etsang. Molimo oa supa hobane O tla betla tsela ea ho phonyoha molekong o mong le o mong, tekong e 'ngoe le e 'ngoe. U sitoa ho tela ho tsuba? Nka Molimo khetlo le leng. U sitoa ho tela leshano, u sitoa ho tela ho utsoa, u sitoa ho tela mabifi? Nka Molimo 'moho le uena khetlo le leng. Haeba u sa ikutloe u rata ho ea kerekeng, 'me ha u sa khone ho fihla kae; nka Molimo le uena hang, nka tšepiso ea Oona. O pakile, Leoatleng le Lefubelu, hore O tla etsa tsela ea ho phonyoha. Molimo o hlahisitse pontšo tse ngata.

<sup>81</sup> Bosiu mohla O boleletseng balisa, “Theohelang Bethlehema, hobane kajeno lena ho tsoetsoe Kreste 'Moloki. Kreste, Molimo o tlotsitsoeng, kajeno lena mosali o tsoetse.” Molimo!

<sup>82</sup> Ha se ho mo etsa molimo, joale. O mpa a alimile popelo ea mosali, joalokaha A ka alima 'mele 'ona ho rera Evangelio ho tsoa teng. Joalokaha A alima 'mele oa hau, ho phethisa mosebetsi A ratang ho o phethisa ka uena, hoba E sa le Emmanuele, pontšo, Molimo le batho ba Oona. Molimo o phelang hara batho ba Oona, pontšo e kholohali, ea kamehla. E ke ke ea hlolleha le ka mohla. E tla besale e le pontšo.

<sup>83</sup> Le bua ka lipontšo tsena, ho ka thoe'ng ka ena? Pele u ka fumana pontšo efe esele, pontšo ea ho bua ka leleme, pontšo ea boporofeta, pontšo ea matla afe a kaholima tlhloleho, u tla lokela ho khutela pontšong ea mantlha, pontšo ea Bosafeleng le ea kamehla. Tsepama, le ho qaleng, le ho theoa holima motheo oo, e leng Lefika ho haola le mengoaha, 'me ha ho letho le tla o ama. Likhoro tsa Lihele li tla ema khahlano le eona, empa ho hlola lekhale. Fumana pontšo eo, "Moroetsana o tla emola, le ho tsoala Mora."

<sup>84</sup> 'Me A borella balisa bana, "Le tla Mo fumna ka mokhoa ona. O tla ba ka sejelong, ka molikong, a phuthetsoe ka masela. 'Me ha le Mo talima, le lumele, hoba Ke Molimo har'a rona."

<sup>85</sup> Pontšo eo e ne e sa lebisoa ho balisa feela. Empa e ne e neiloe lefatše lohle, ho Mo talima le ho bona hoba Ke mang. Ke Molimo o na le rona, Emmanuel.

<sup>86</sup> Mohla A ne a le lefatšeng mona, O pakile hoba E ne e le Molimo. A paka hoba Molimo o ne a le ka ho Eena, hoba lipontšo tsa Molimo li Mo latetse. O itse, "Ekareha Ke sa etse mesebetsi ea Ntate oa Ka, le se ke la lumela ho 'Na. Empa ekareha Ke etsa mesebetsi ea Ntate, leha le sa lumele ho 'Na, lumelang mesebetsi, pontšo." Emmanuel! "'Na le Ntate re bang. Ntate oa Ka o Nthomile. 'Me joalokaha A Nthomile, Ke le roma joalo. Ntate, ea Nthomileng, o na le 'Na. O ka ho 'Na 'me o etsa mesebetsi ea Hae. Ke Molimo nameng."

<sup>87</sup> Na Lota ha a ka a latsoa hoo pele ho tšenyeho? Mohla, a boneng Molimo o bonahatsoa nameng, a ja namane, a noa lebese la khomo, a ja bohobe bo tsoileng leifong, le ho ema a nehile tente mokokotlo oa Hae, le ka leemeli la motho "'Na." "'Na, ka ho bona Abrahama e le mojalefa oa lefatše, Ke . . ." Ka mantsoe a mang, "Ke tla mo tsebisa eona."

<sup>88</sup> E ne e le Mang? Eaba O re, "Abrahama, Sara mosali oa hau o kae?" Ea mo tšosa. Molimo, ka seriti sa Kreste, ea entsoeng nama.

Ho re, "O ka tenteng, ka mora Hau."

Sara a tšeja. 'Me A re, "Hobane'ng Sara a tšehe?"

<sup>89</sup> Eitseha Emmanuel a hlahka popelong ea mosali, sebakeng sa ho hlahka joaloka theofani, A re, "Joaloka mehleng ea Lota, ho tla ba joalo le ho tleng ha Mora motho."

<sup>90</sup> Mehengleng ea Hae lefatšeng, baapostola bao ba tsoile ka Evangelii, esitile le Mangeloi a nyarela holima mekoallo ea Lehodimo, mehohoma ea Naha e Khanyang, ho nyarela ka ho Eona. Lona ba ngolang Lengolo, joalokaha ke le bona le ngola, Timothea wa Pele 3:16. "Ha ho khanyetso sephiri sa borapeli se seholo: hoba Molimo o bonahetse nameng, ho lumeloa lefatšeng, le ho bonoa ke Mangeloi." Mangeloi a ile a phahama ho talima Molimo. A kile a tsokotsa mare a 'ona ka pela Hae, a ntse a

hoeletsa, "oa halalela, oa halalela, oa halalela," mohla A neng a lutse Mono, joaloka Topallo ea Mollo, likhalelong tsa Leholimo. 'Me mohla A neng a fetoha motho, Mangeloi a tlide 'me a talima ho 'Mona, Jehova, a entsoe nama. Ehlide, "Ha ho khanyetso, sephiri sa bomolimo se seholo."

<sup>91</sup> "Ke tla le neha pontšo ea kamehla," hobane Molimo o entsoe nama hara rona. O ne o ahile nameng. E tla ba pontšo ea kamehla. E seng feela ho balisa ho sheba le ho lumela, empa bakeng sa lona Branham Tabernakele, le bakeng sa lefatše lena le sehloho, ho lumela hobane eo ke Molimo. Modimo o hlahisitse pontšo eo. Jesu o itse, "Joalokaha Ntate ea phelang a Nthomile, 'me a tsamaea le 'Na, 'me a ne a le ka ho 'Na; le 'Na ke le roma joalo, Ntate ea phelang ho tsamaea le lona le ho ba ka ho lona, pontšo ea kamehla. Mehlolo e tla tsamaea le ba lumelang ke eona ena. Bonang, Ke tla ba le lona, le ka ho lona, ho isa pheletsong ea lefatše. Ke tla ba le lona. Ho isa qetellong ea lefatše, Ke tla ba le lona teng."

<sup>92</sup> Motho, joalokaha ke boletse pele, o batla ho Mo etsa nthoana, Molimo o mokhutšoane. E ne e le motho; Molimo o ne a sebelisa motho. Molimo o ne o sebedisa nama eo O e bopileng, ka Sebele, hore o tle o bope ka Eena, "Le ho hlahisa bara ba bangata ka Eena," Lengolo le re, "ka Mora eo ea nang le kutlo. Ka mora a le mong, bohole ba slotse. Ka Mora ea utloang, bohole ba tla phela, e mong ba lumelang."

"Molimo o na le rona," pontšo, ho itsoe eo e tla ba pontšo. O ne a rata ho lebisa ho Eena joaloka "Mora motho," motho ka Seqo, motho feela. "Ha Ke letho; Mora o sitoa ho etsa letho a Inotši." Empa ke Ntate ea neng a ahile ka ho Eena, Emmanuel, Molimo.

<sup>93</sup> E—e lesea, Molimo, Jehova Molimo. Leseanyana leo le ileng la lla, eo e ne e le Jehova. Na le a e bona? Molimo o phelang ka hara lesea.

<sup>94</sup> Molimo o phelang lilemong tsa bocha. E ne e le mocha oa mofuta ofe? O ile a beha mohlala. Mohla A neng a lahlehetse ntate oa Hae le 'mè oa Hae, ba tlide ba Mo batla, 'me ba Mo fihletse ka tempeleng. Ebe O ile a reng, joaloka mocha? "Na ha le tsebe? Na ha le tsebe Ke tšoanetse ho ba mosebetsing oa Ntate oa Ka?" Mohlala oa bacha.

<sup>95</sup> Joaloka motho, athe khanya eohle ea lefatše e ne e neiloe Eena, ntho eohle e ne e behiloe matsohong a Hae, ho ba ea fetisang ka boholo hara batho bohole, morui ea fetisang batho bohole; Ke mang ea neng a ka bolella batho moo hlapi e nang le lichelete hanong e leng teng, a hula metsi a monate ka ho fetisisa libilibeng le ho a fetola veine, a ka fetola ntho efe A lakatsang ho e fetola; ho nka dibaskeiti tse hlano le ho fepa likete tse hlano. Ka matla matsohong a Hae ho ba monna e moholo, a mpa a ikhethela ho ba mofumanehi. A bile a hloka lebitla mohla A ne a eshoa. A

tlameha ho alima e le leng. “Emmanuele, ena e tla ba pontšo.” Molimo o tla joang? Ka ho mafutsana. Molimo o sebetsa joang? E tla ba pontšo ea kamehla, ’moho le mafutsana, ba sa rutehang.

<sup>96</sup> “Pontšo,” ho itsoalo ke moporofeta e moholo oa mosali, Anna, mohla Simeone a neng a phahamisa matsoho a hae tempeleng, le ho tšoara mothoana Eo a phuthetsoe ka masela a shoabaneng. Anna o re, “Ke pontšo e tla nyatsuo, bakeng sa ho oa ha Iseraele, empa ho phuthoa hape ’moho, le hona, ho ba Leseli ho Balichaba.”

<sup>97</sup> Eng? “Molimo o na le rona,” e seng kahara barui le baikhohomosi, empa ka ho bafumanehi. Ho hlahela ka setaleng, “Modimo o na le rona.” O ne a etsa lintho tsa mofuta ofe? Shebang lintho tsa Hae tseo A li boletseng. Mo hlokome leng, seo A se buileng.

<sup>98</sup> Hobane, Molimo ka Seqo o itse, “Enoa ke Mora oa Ka ea ratoang, Mo utloeng. Enoa ke Mora Ka Eo Ke khahlisoang ke ho lula ho eena. Mo utloeng.” A re, “Ke tla ba le lona kamehla, ho isa bofelong.”

<sup>99</sup> O ile a roma baapostola ba Hae. Ba hotetsa lefatše, matsatsing a bona, joalokaha Molimo o ne o le mong le motho. Ba ile ba kolobetsa batho ka Lebitso la Molimo oo, Jesu Kreste. Ba phetse haufi le Eena hoo A bileng a Iponahatsa ka bona, ka mehlolo le meeka le ka lineo tsa Moea o Halalelang. “Molimo o na le rona.” Ba ne ba rera ba re Molimo oa ’nete le o phelang o ne o le mong.

<sup>100</sup> Motho o kile a aha litora tsa mefuta eohle holim’ a melimo e meraro kapa e mene, kapa melimo e ’meli, empa ho na le Molimo o le mong. Molaetsa oo o ne o tla boela o tsosoa letsatsing la ho qetela.

<sup>101</sup> Le mpe le qale le nahane joale, bulang lipelo tsa lona. Kopang Molimo ho le senolela sena, seo ke itokisetsang ho se bua.

Mohla A neng a fihla, O phethile seo moporofeta a se buileng.

<sup>102</sup> ’Me mohla A tlang matsatsing a qetelo, mehleng ea lipula tsa morao tsa Molimo, mohla pula ea tšeola le ea hoetla li tla tšolloa, O tla fihla hantle feela kamoo ho neng ho porofetiloe ka Eena. “Leseli le tla chaba nakong ea mantsiboea.” Ho ne ho tla etsahala’ng? Emmanuele, eena Mora, lona Leseli le tšoanang, ’ona Molimo o thileng oa aha nameng, ’moho le batho ba Hae ka Letsatsi la Pentekosta, o tla fihla ka mokhoa o tšoanang matsatsing a qetelo, hoba e tla ba Leseli la mantsiboea. Ke eng? Ho tla hlaha pontšo, pontšo ea kamehla: Molimo o na le rona, Molimo ka ho rona, Molimo ka rona. Motho le Molimo ba eba bang. Jesu o shoele, O nehelane ka bophelo boo bo theko e thata, ka qeto ea Hae. (Molaetseng oa Sontaha se fetileng.) Hobane, O bo nehetse ka qeto, hore A tle a tlise bara ba bangata ho Molimo. Emmanuele le rona. Batho ba Leseli-la-mantsiboea, le ne le tla ba hohela.

<sup>103</sup> Mohla Molimo o neng o hlahisa pontšo, “Ena e tla ba pontšo. Molimo o tla be o ahile nameng.” Ö ne o hopotse hobane e tla hula maikutlo a batho. E entse joalo. “Hobane bohle ba Mo amohetseng, O ba neile Matla a ho ba bara ba Molimo.”

<sup>104</sup> ’Me e loketse ho hohela batho ba Leseli la mantsiboea mohla Leseli lona leo le tla bonahatsoa. Molimo le Kreste ba bang. Petrose itse, “Ho ke ho tsebjoe, hobane Molimo o entse Jesu enoa, eo le Mo thakhisitseng, Morena le Kreste ’moho.” Pontšo, e songoang, empa Maseli a mantsiboea a fihlile mona.

<sup>105</sup> Joaloka mofu moreri oa Evangel, mohla molaetsa oa pentekosta o neng o qala khetlo la pele, mofu Ngk. Haywood, pejana feela...Eena, kea kholoa, ha a...Ekaba mehleng ea sehlohlolo sa hae, tsatsi le leng eitseha Moea o mo fihlela. E ne e le seroki, kathoko ho moreri. O ile a phamola pene ea hae a a ngola.

Leseli le tla chaba nakong ea mantsiboea,  
Ruri le tla fumana tsela e eang Khanyeng;  
Tseleng ea metsi ke Leseli kajeno,  
U patiloe ka Lebitso le tlotlehang la Jesu.  
Bacha le baholo, bakang sebeng sohle sa lona,  
'Me ruri Moea o Halalelang o tla kena ka hare;  
Hoba Maseli a mantsiboea a tlide,  
Ke 'nete Molimo le Kreste ba Bang.

<sup>106</sup> Maseli a mantsiboea! Haeba re tsamaea Leseling la mantsiboea, pontšo ea mantsiboea, joale e ne e tla ba Leseli lona leo pontšo enoa eo, pontšo ea Bosafeleng. Ha ho le joalo lipontšo tsona tseo li tla latela Leseli la mantsiboea. Shuu! Le a E bona? Na le ka E utloisia? Oo ke Molaetsa oa Keresemese ena. Maseli a mantsiboea, lipontšo tsa Messia li Le teetse hare, li teetse Molaetsa hare. Maseli a mantsiboea a fihlile.

<sup>107</sup> E buuoa hampe. Ba tla u hana, banabeno. Ke mang ea Mo hanneng? Banababo. Ba ne ba rata ho 'Mona a etsa mehlolo. Empa ha ho fihloa Kallvari, bohle ba ne ba le kae? Ha ho fihloa motsotsong oo oa pitlahano, moo Molimo 'Neteng ea Oona le Bibele ea Oona o lokelang ho bonahatsoa, ba hokae? Ba khutlela morao.

<sup>108</sup> “Le tla fuoa pontšo. ’Me lipontšo tsena li tla latela. Mesebetsi eo Ke e etsang, le lona le tla e etsa; le e fetang ena, hoba Ke ea ho Ntate oa Ka.”

<sup>109</sup> “Leseli le tla chaba nakong ea mantsiboea.” Oh, letsatsi lena le lefifi leo re fetileng ho lona! Empa e se e le lilemo tse mashome a mane maru a ntse a phetleha, ka nchafatso ea pele, ea ho hlahisa Molaetsa o reng Molimo le Kreste ba bang, hore Molimo o ile a bonahatsoa nameng. O ikhethetse ho aha nameng ea motho. ’Me kajeno ba Mo etsa ntho e lutseng teroneng, ba Mo etsa ntho e ’ngoe ea mehleng ea pele ho nalane, ba bang ba bona ba batla ho Mo khutlisetsa ho mofilosofi, ba bang ba batla ho Mo etsa

moporofeta. Empa, moena, Ke Molimo ka ho uena, Molimo o bonahatsoang nameng. Joang?

<sup>110</sup> Ba Mo tsebile joang hore e ne e le Molimo nameng? O itse, “Ekare ha Ke sa etse mesebetsi ea Ntate oa Ka, e tla ba Ke le boleletse phoso. Empa ekare ha Ke etsa mesebetsi ea Ntate oa Ka, le mpe le e lumele.”

<sup>111</sup> ’Me joale ntho eona eo. Molaetsa o boetse o a tsoseletsoa matsatsing a qetelo, Molaetsa oa hore Ke Mang, seo A leng sona. Emmanuele ea ahileng ka ho lona, ka mesebetsi e tšoanang le eo A e entseng, ho Iponahatsa ka lona, tsona lintho tseo A li entseng. Ke Leseli la mantsiboea. E a nyatsuoa. Ke tsela e thata.

<sup>112</sup> E ne e bolela ho hong ho mohlanka oa morui, koana pelo ea hae e ne e lapile, ho tla ho Jesu, le ho re, “Rabbi, ke lokela ho etsang ho rua Bophelo Bosafeleng?”

Ho re, “Boloka Melao.”

A re, “Hoo ke ho entse esale le bongoaneng.”

Ho re, “U batla ho ba ea phethahetseng joale?” Ho re, “Ntatele.”

<sup>113</sup> Empa a tloha a hlomohile. E ne e le theko e thata haholo. Hola a ne a Mo fa chelete le ho haha kereke e kholo kae-kae, ho ingolisa e le setho, a ka be a e entse ha bonolo. Na ha le bone kamoo e bapisitsoeng kajeno hara barui? Ba bang ba ne ba le teng.

<sup>114</sup> Ha se barui feela, empa le bafumanehi; bongata ba bona bo tsoa likhatamping tsa seretse, le joalo-joalo, ba e hanne ka baka la botumo. Hobane, O ne a sa tuma. E ne e le Emmanuele. Ba itse, “Eo ke nyatso. Hoo ke—hoo ke diabolosi. Ke bokhoni ba ho bala kelello. Hoo ke—hoo ke Belsebule.” Baruti ba letsatsi leo, likereke tsa bona tse kholo, li itse, “Lithole.”

<sup>115</sup> Empa Molimo o itse, “Ke pontšo ea Bosafeleng, pontšo e kholahadi, pontšo ea pontšo tsohle, haele moo Molimo o na le lona, le ka ho lona, ho isa pheletsong ea lefatše.” Ke eo pontšo ea lona e kholahadi. E feta pontšo tsohle. Ke pontšo ea pele. Liketso 19, batho bao ba ne ba loketse ho khutla le ho eleloa pontšo eo, le pele ba ka amohela Moea o Halalelang le ka mohla, Liketso 19:5. Koana, molumeli ea neng a kakatletse Bibebe, ’me a e-na le ’moleli ea khabane ea neng a paka hore Jesu e ne e le Kreste, koana le pele ba ka kena ho Eona . . . ’Me ho bona pontšo, ba ne ba loketse ho tla le ho kolobetsoa hape, ho behoa matsoho le ho amohela Moea o Halalelang. Ke ’nete.

<sup>116</sup> Empa nakong ea Mantsiboea, Maseli a chabile mona. ’Me E a nyatsoa. E entsoe motlae. E buuoa hampe. Moporofeta o itse E tla songoa, “Kutu e khopang.” Ho buuoa hampe, ho songoa, ho nyatsoa; Emmanuele ka ho rona, a sebetsa thato ea Hae ka rona.

<sup>117</sup> Oh, kajeno, moena oa ka oa moeti, khaitseli, lumela pontšo eo. Sheba ka sejelong sa pelo ea hau ka sebele, ’me u bone haeba

u ka khona ho bolela ka ho uena. Ho bona pontšo eo balisa ba e boneng. Molimo nameng, o ahileng hara mafutsana, bahloki, balahluoa. Ho bona haeba u ka E utloisia. Molimo ka pelong ea hau, Molimo ka *mona*. Ho sheba le ho bona haeba A Iponahatsa ka nepo, ka mosa le ka bonolo, joaloka ha A kile a etsa.

<sup>118</sup> Lilemong tse 'maloa tse fetileng, ngoanana o kile a ea k'holejeng, 'me, 'moho le metsoalle ea hae e mengata mono, a fetoha khoale-bohlajana haholo, ho fapoha thuto ea habo ea mahaeng ea khale, joaloka 'mè oa lelapa la mahaeng. 'Me ka letsatsi le leng a etsa qeto, lilemo li ka ba peli hamorao, ho etela 'mè oa hae hape. A mo ngolla thelekramo a 'molella a tla fihla ka terene ea hore-le-hore, ho mo khahlanyetsa seteisheneng. Leha ho le joalo, o ne a feheleitsoe ke khoale-bohlajana e 'ngoe. 'Me e se e le khoale-bohlajana, le eena. 'Me a tla le e mong, e batla e le moikalakatisi oa seojaole, tsebanyane, chacha e ncha.

<sup>119</sup> 'Me ha a fihla seteisheneng, eitse ha a qala a theoha terene, a sheba. 'Me eaba 'ma'e o eme mono, a talimile ka thata ka bokhonoi bohle ka ho eena, ho bona moo morali oa hae a leng teng. 'Me eitse ha ngoanana ea nang le eena, 'mè... a 'mona ka sefahleho se mabali, le ka matsoho 'ohle a tlabohileng. 'Me o ne a shebeha a tšabeha, a tsotfetse, 'me a nyarosa. 'Me ngoanana a felehetsang Maria e monyenyanne, a re ho eena, "Kea ipotsa na setsohatsana seo sa khale se soto ke mang?"

<sup>120</sup> 'Me ngoanana a soabela 'ma'e. A re, "Ha ke tsebe. Ha ke tsebe na ke mang."

<sup>121</sup> 'Me 'ma'e, ha a bona morali oa hae, a mo mathela a mo hamarela ka liphaka, a qala a mo aka.

<sup>122</sup> A mo nena, ho re, "Ha ke u tsebe. U fumane motho ea phoso," hoba a ne a sa batle ho ikamahanya le motho ea ka tše豪ang ke motho e mong le ho songoa.

<sup>123</sup> Ha tsoa tsoa ho le monna, molaoli oa terene, a eme haufi. A tšoara mosetsana eo lehetleng. A re, "Ha u soabe, uena mothoana ea malimabe! Ke sa hopola ketsahalo eo hantle."

<sup>124</sup> 'Me batho ba phutheha ho tla utloa se neng se etsahale. 'Me a pepesa ngoanana eo hantle, 'me a re, "Mosetsana enoa, mohlang oo o ne a eso tšoare likhoeli tse tšeletla, a kene sethohoaneng sa hae phaposing e ka holimo. 'Me 'ma'e ea thehko e thata, mosali ea fetisang ka bottle eo nkileng ka 'mona le ka mohla," ho rialo molaoli oa khale. A re, "Ntlu e ile ea chela 'ma'e a ntse a fanyebla liaparo. 'Me baahisane bohle ba titima, ba ntse ba hoeletsa. Ba e bone. 'Me a sa ka a hlokomela. E ne e le ka mathuleng a ntlu. 'Me malakabe a se a tšoere hantle, 'me a se a lakomela sebakeng."

<sup>125</sup> Le ho re, "Ba ne ba sa khone ho thiba 'mè eo ea hlahafetseng. Lesea la hae le ne le le mokatong o ka holimo." Le ho re, "Bohle ba hoeletsa, 'U ke ke ua phunyeletsa malakabe ao—ao.' Empa a phamola lakane letsohong la hae, a tla e fanyebla, 'me e le lakane e metsi. 'Me a ithatela ka eona, a kenella malakabe a mollo a

tloha, a nyoloha ditepisi, a sa ikhopole kotsi ea hae. Eitse ha a fihla moo, a tseba hoba a ke ke a iphuthela ka lakane ha a khutlela morao. Empa, ho pholosa botle ba morali oa hae ea neng a tla mo latela, a phuthela lesea ka lakane, le ho matha hara malakabe, sefahleho sa hae se le lepalapaleng le matsoho le liphaka. Oa tlabolama ea 'mele oa hae, oa honyetsa marama a hae a mana masapong, oa mo senya, oa mo tlabolama moriri, le e—le e... ho fihla koana masapong a monoana.”

<sup>126</sup> Ho re, “O ile a fetoha e mobe, hore uena u tle u be motle. A tela botle ba hae, a tela tsohle tsa hae, hore a tle a pholose uena. ‘Me athe uena u a ema ‘me u soabela ‘mè eo ea theko e bohloko?”

<sup>127</sup> Moena, ha ke bona Molimo, Molimo oa Lehodimo, O hlobohile terone ea Oona, botle ba Oona, le sohle seo O neng o le sona; ho tsoalloa holim'a moitelis, ho phutheloa ka likatana, ho songoa ka lipontšo tsa Oona le limakatso tsa Oona, ho bitsolloa diabolose; na nka O soabela? Che, monghali. Lesang lefatše la khale le etse seo ba se batlang. Ho 'na, Ke pontšo e kholohali. Moea o Halalelang ka ho 'na o hlabo mokhosi. E ka etsa hore ke itšoare ka ho qabolang 'me ke be monna oa lehlanya, ka lefatše lena, empa nke ke ka latola Eena Ea nketselitseng tse ngata hakana. O nkile sebaka sa ka lefung. O nkile sebaka sa ka Kalvari. O entse lintho tsena tsohle. O theohile Leholimong, ho tsoa literoneng tse tšoeu tsa perela, ho fetoha motho; ho latsoa mahlomola a ka, ho feta molekong oa ka, ho tseba ho ba 'moelanyi ea lokileng ho 'na, ho ntsamaisa le ho ntataisetsoa Bophelong Bosafeleng. ‘Me ka bofuma ba Hae, ke a ruisoaa. Ka lefu la Hae, ke fuoa Bophelo, Bophelo Bosafeleng.

<sup>128</sup> Se Mo latoleng. Le se Mo soabele. Le se Mo soabele. Le mpe le Mo hamarele, le ho re, “E, Morena oa ka ea Ratehang, mphe se sa ba entse ka Letsatsi la Pentekosta, Morena. Mphe Moea o Halalelang. Ho O tšollela pelong ea ka. Ha ke tsotelle seo bacha ba se buang. Ha ke tsotelle seo lefatše le se buang. Ha ke shebe ho bona. Ke shebile ho Uena.” Ke eng? Ho ingolisa kerekeng? Che. Pontšo e kholohadi, Emmanuel, Molimo o na le rona.

Ha re rapeleng.

<sup>129</sup> Kahara letšoole la batho hoseng hona, na ba bang ba teng ka mona ba ka ratang ho re, “Ho 'na, ke soabela bophelo ba ka. Ha ke soabele Eena. Ke soabela bophelo ba ka,” ho nyehela ho Eena Ea entsoeng bobe, le ho nyatsuoaa ke lefatše?

<sup>130</sup> “Motho oa mahloko, ea tsebang mahlomola. Bohle re ne re Mo patetse lifahleho tsa rona,” ho boletse moporofeta. “O ile a nyatsuoaa ‘me a latlooa. Leha ho le joalo, ra Mo nka e le ea otloang le ea lauoaang ke Molimo. Athe, O hlabetsoe littolo tsa rona, ‘me a tetekoa ka baka la makhopo a rona; kotlo e re tlisetsang khotso e Mo oetse holimo, ‘me re folisitsoe ka maqeba a Hae.”

<sup>131</sup> Na u ka Mo soabela? Haeba u le joalo, tloo aletareng ‘me u bakele sebe sa hau. Haeba u sa Mo soabele, ‘me u soabela

bophelo ba hau boo u Mo nyehetseng bona, ntho e tšabehang hakaalo. O kile oa soaba khafetsa, ka pel'a mookameli; ka pel'a motsoalle oa hau oa basali, ka pel'a motsoalle oa hau oa monna, ka pel'a motsoalle oa hau oa ngoanana kapa motsoalle oa hau oa moshanyana. Esale u Mo soabela, Emmanuele ea ahileng ka ho uena. Phahamisa matsoho a hau u re, "Molimo, ntšoarele ka ho ba lihlong."

<sup>132</sup> Morena oa rona le Molimo oa rona, re U kopa ka boikokobetso le ka mohau ho amohela tšoarello ea rona, hoseng hona, ka baka la likhaello tsohle tsa rona, hobane bohole re molato ka linako tse ling. Re molato ka ho emela 'Nete. Re molato. Ha ba batla ho re bitsolla ka lebitso le khopo, joalo ka, oh, "mohalaleli-mothethehi," kapa ntho e khopo e seng joalo, koana ka linako tse ling re honyela joaloka Petrose re ntoo ikomosa mollong oa sera. Re tšoarele, Morena.

<sup>133</sup> Selemo se secha se a re atamela. Re ke re qale horeng eona ena, 'me re bone pontšo e kholohali ea Molimo har'a rona, Molimo o phelang le rona, ho aha ka ho rona, ho sebetsa, ho etsa hantle kamoo A entseng kateng. 'Me Maseli a mantsiboea a teng mona.

Re tšoarele likhaello tsa rona. Re tšoarele libe tsa rona.

<sup>134</sup> 'Me ka mohau o moholo, Morena, rona re amohela Mpho ea Hau ea Keresemose, Mora Molimo, ho aha nameng ea rona, lerole la rona, ho phela le rona, ho halaletsa tsela ea Oona ka Mali a Oona ka Sebele, le ho re fa tiisetso ea Bophelo Bosafeleng. Re a U leboha. Ke a U leboha, Morena, ka Mpho e hlollang ena e tsoang ho Molimo, hobane Ke mpho, mpho ea Moea o Halalelang, tsohle li phuthetsoe ka Lebitso la Morena Jesu. Re thabela ho E amohela. Re a U leboha hobane kereke ea rona e emela pontšo eo, hoba pontšo e emetse Thuto ea Kereke. Re a E emela. E a re emela. 'Me e tsejoa har'a Bakreste lefatšeng lohle kajeno, e leng sehlopha sa batho bafumanehi, ba sa balang mane 8th le Penn Street, Jeffersonville; hore Emmanuele, Topallo ea Mollo e tsoang lefeelleng, Jesu oa Galelea, Moea o Halalelang oa Pentekonta, o bonahatsoa ka lipontšo tsohle tsa Emmanuele Maseling a mantsiboea. Re leboha haholo, Morena. 'Me ba bang ba ke ba E bone 'me ba E amohele. Hoba, re e kopa ka Lebitso la Jesu, le bakeng sa Hae le bakeng sa Kereke. Amen.

<sup>135</sup> Ekare nka be ke fuoe lentsoe la sebini. Hola nka fuoa lentsoe la sebini hona joale, nka thabela ho le binela sefela sa ka e leng thatohatse, se ngotsoe ke motsoalle oa ka ea ratehang, William Booth-Clibborn.

O theohile khanyeng ea Hae, pale ea kamehla,  
Molimo le 'Moloki oa me o tlile, Jesu e ne e le  
Lebitso la Hae.

O hlahetse sejelong, ke molata hoba Habo,  
Molimo oa tšotleho, likeleli le hlomoho.

Oh ke Mo rata joang! Ke Mo adora joang!  
 Bophelo ba ka, leseli la ka, tsohle tsa ho 'na!  
 'Mopi a fetoha 'Moloki oa ka,  
 Me bottlalo bohole ba Molimo bo ahile ho Eèna.

Ho theoha hoo, ho re tliselitse topollo;  
 Khitla ea bosiu, ho timme tšepo ho se letho;  
 (Eaba ho halima le lehalima le litsenene!)  
 Molimo, o bohloko, o bonolo, oa tela  
 bokhabane ba 'Ona,

Oa inamela sejelong, setaleng sa moiteli, ho tsoalloa teng.

Ho inama ho hohela, ho hapa le ho pholosa  
 moea oa ka.

Oh ke Mo rata joang! Ke Mo adora joang!  
 Phefuloho ea ka, leseli la ka, tsohle ho 'na!  
 'Mopi a fetoha 'Moloki oa ka,  
 Me bottlalo bohole ba Molimo bo ahile ho Eèna.

<sup>136</sup> 'Me O ka ho 'na, le n'na ke ka ho Eena. Le ka ho lona...  
 "Ka tsatsi leo, le tla tseba hobane Ke ka ho Ntate, Ntate o ho  
 'Na, le 'Na ka ho lona, le lona ka ho 'Na," Molimo, Emmanuel, o na le rona.

<sup>137</sup> E ne e le Emmanuel eo ea boneng George Wright, a lutse tlase mono hona joale; o ne a robetse mono a eshoa, athe lingaka tse 'ne li ne li mo feta mohoalotso. E ne e le Emmanuel eo, mohla A neng a tlameha ho alima popelo, athe O ne a tlameha ho alima e—e lebitla. O ile a alima mahlo a ka, ho re, "E-ea u bolelle Moena George, 'HO RIALO MORENA. O tla cheka lebitla la bareri bao le lintho tse mo jang litševo."

<sup>138</sup> E ne e le Emmanuel eo. E ne e le Eena eo, mabapi le liphooftsoana, tsatsi le leng morung. E ne e le Eena eo, mabapi le Margie Morgan ea lutseng mono, ba bang bohole. Ke Eena ea alimang matla a kelello, lithokutlo tsa 'mele, ho Itlhahisa ho lefatše kajeno, ka uena, mehleng eo Maseli a mantsiboea a chabileng. Molimo a be le mohau, motsoalle.

<sup>139</sup> Ke geta nako ea lona e ngata. Ha re e lekeng. Re fe lehlasso, "Oho ke Mo ratang joang!" Ba bakae ba e tsebang?

Oh ke Mo rata joang! Ke Mo adora joang!  
 Bophelo ba ka, leseli la ka, tsohle ho 'na!  
 'Mopi o fetohile 'Moloki oa me,  
 Me bottlalo bohole ba Molimo bo ahile ho Eèna.

[Moena Branham o binela ka marameng O Theohile Khanyeng—Mohl.]

Ke Mo adora joang!  
 Phefumoloho ea ka, leseli la ka, tsohle ho 'na!  
 'Mopi o fetohile 'Moloki oa ka,  
 Me bottlalo bohole ba Molimo bo ahile ho Eèna.

<sup>140</sup> Joale ke nako ea hore A bontše mohau oa Hae. 'Mè o tlisa leseanyana mona, le tšoeroeng ke leukemia, mofetše mothapong oa hae oa mali. Bobe boo ho lesea?

Molimo, lentsoe la ka ke lena, bua Lentsoe, 'me ho tla ba joalo.

Hobane, Morena, U boletse, "E re ho thaba ena, 'Sutha.' U sa belaele. Ho tla ba joalo."

Ka Lebitso la Jesu Kreste, Mora Molimo, ke khalema diabolosi enoa ea bitsoang leukemia. Boloetse ba 'mele oa ngoana enoa, bo tla tloha. E tlameha ho le tlohela. Ka Lebitso la Jesu Kreste, ho ke ho be joalo.

. . . leseli la ka, tsohle ho 'na!  
'Mopi e moholo ebile 'Moloki oa me,  
'Me botlalo bohole ba Molimo bo ahile ho Èèna.

<sup>141</sup> Ke Mo rata joang! Ke mpa ke sa khone ho Le tlohela feela. Ke batla joalo, joaloka Jakobo, ho itšoarella ka Lona.

. . . Mo adora!  
Phefumoloho ea me, leseli la ka, tsohle ho 'na!  
"Pontšo e tla ba ena."

'Mopi e moholo ebile 'Moloki oa me,  
'Me botlalo bohole ba Molimo bo ahile ho Èèna.

<sup>142</sup> Na ha A babatsehe? Na ha u ikutloe u batla ho Mo khumamela? Feela ka Moea, khumamelang Eena feela. Itebaleng feela joale. Le se ke la soaba. Moea o Halalelang o teng mona. Hoo ke Moea o Halalelang. Ka mosa feela, ka mokhoa oa hau.

'Mopi e moholo ebile 'Moloki oa me,  
'Me botlalo bohole ba Molimo bo ahile ho Èèna.

Ke moo.

Ho theoha hoo, ho re tliselitseng topollo; ("E tla ba pontšo.")

Mohla khitla ea bosiu, mohla tšepo e timmeng; Molimo, oa bohloko, o bonolo, oa tela bokhabane ba 'Ona, (Nahanang seo A se entseng!)

Ho inama ho hohela, ho hapa le ho pholosa moea oa ka.

<sup>143</sup> Ha re phahamiseng matsoho a rona re sa se bina.

Oh ke Mo rata joang! Ke Mo adora joang!  
Phefumoloho ea me, leseli la ka, tsohle ho na!  
'Mopi e moholo ebile 'Moloki oa ka,  
'Me botlalo bohole ba Molimo bo ahile ho Èèna.

<sup>144</sup> Morena, re ke ke ra khona ho utloisia maruo, botlalo ba Moea oa Hau, ho fihlela re 'Mona ka tsatsi leo A tlhang ho tla ka lona. Mohlomong re tla be re robetse leroleng. Nka tlameha ho khutlela leroleng la mantlha, empa hoo ho ke ke ha ntšoenya

le ka lethoana. “Ke a tseba hore O tla bitsa, ’me ke tla araba. ’Me ke tla ’Mona kamoo A leng kateng. ’Mele ona o bolang o tla fetoloa ho etsoa joaloka ’mele oa Hae ka sebele o khanyang, etsoe A tseba ho beha lintho tsohle tlas’ a Hae.”

<sup>145</sup> Ke tla lula ke U leboha ka mpho ea Keresemese ea Kreste ka pelong ea ka, ho tseba hobane esale Kreste eo, hobane O etsa ntho e tšoanang. O etsa hore ke ikutloe le ho itšoara joaloka ha A entse qalong, ho mohlanka oa Oona.

<sup>146</sup> Ke leboha Kereke e ka lefatšeng lohle, e hlolang, e neng e reroepele, le ho bitsoa, le ho tlotsisa, le ho tiisoa, le ho khetheloa ’Meleng oo. Ke ba fumana Asia, Afrika, Roma, hohle, Indiana, naħħa ka bophara, Afrika. Hohle lefatše ho pota, ke fumana Kereke eo e hlolang, e tsebang hore U tlie ka nama. ’Me U boletse seo, “Moea o mong le o mong . . .” Ka Bibeleng ea Hau, U itse, “Moea o mong le o mong o sa boleleng sena, ke moea o fosahetseng, antikreste. Moea o mong le o mong o sa pakeleng sena, hore Kreste o tlie nameng ea rona, ke moea oa antikreste.”

<sup>147</sup> Ntate Molimo, nthuse ho—ho utla mafatsa ao kantle koana. Ke a ba bona, Morena, ka ntłe koana. Ho bona balepera menyako, ho sheba India koana, mane Taj, khorong, bathoana bao ba futsanehileng ba khasang fatše, ba se na maoto. Ho bona bashanyana ba batšo ba futsanehileng koana Afrika, matsoho a bona a phahametse holimo. Oho Molimo, roma ’na, Morena. Lengeloi le tle ka leshala la Mollo, chesa kahare moeeng oa ka, Morena, le ho ntša manya ’ohle le bohlasoa, ke tle ke tlohe joaloka e—e lelakabe la Molimo, ho utla mollong ba lefifing le letšo-letšo.

<sup>148</sup> Hlohonolofatsa kerekana ea ka, Morena. Oh, ke bona mocha oa lerojana o theoha mona, le ho bona batho ba ratehang bana. Batho ba khannang makoloing a bona, ho ba tšeħa, hobane ba phahamitse matsoho a bona, ba rorisa Molimo. Empa ka tsatsi le leng Jesu o tla tla, ’me lintho tsohle li tla lokisoa. Re ke ke ra soaba, Morena. Re tla iteanya le Pauluse oa boholo-holo, le ho re, “Ha ke lihlong ka Evangelia ea Jesu Kreste, hoba Ke Matla a Molimo a isang tokollong, Bophelong Bosafeleng, ho e mong le e mong ea lumelang.” Re thuse ho phela ka tsela eo Ntate. Re U khumamela joale ka Moea, libakeng tsa Leholimo. Re U leboha ka ketelo ena hoseng hona. Ka Lebitso la Jesu. Amen.

<sup>149</sup> Hang hape feela, na le tla etsa joalo?

Oh ke Mo rata joang! Kamoo ke . . . (Morena  
Jesu, . . . ? . . . ka Lebitso la Jesu.)  
. . . tsohle ho ’na!  
'Mopi ebile 'Moloki oa ka,  
'Me botlalo bohole ba Molimo bo ahile ho Eèna.

<sup>150</sup> Ke batla ho fetisang ha Hae, uena ha u joalo, Doe? [Khaitseli Delores o re, “E.”—Mohl.] Eo ke khaitseli ea ka, khaitseli ea ka ka nama.

Oho joang . . .

Ngoetsi ea ka. Ba batla Molimo ho feta. Moena Grimsley o a tla, o batla Molimo ho feta.

. . . tsohle ho 'na . . .

Ke eona. Moena Wood, o a tla. Moena Collins, moreri oa Methodise; mosali oa hae, ba bang.

. . . ebile 'Moloki oa ka.

Ena ke mesebetsi ea Moea o Halalelang o bitsang, ka Seqo.

. . . bo lutse ho Eena.

Oho ke Mo rata . . .

E hlalose ka mokhoa oa hau joale.

. . . Ke Mo adora joang!

Bophelo ba ka, leseli la ka, tsohle ho na!

'Mopi ebile 'Moloki oa ka,

'Me bottlalo bohole ba Molimo bo ahile ho Eèna.

<sup>151</sup> Morena, Morena, ke bana, linku tsa lekhulo la Hau. Ba fepe, Morena, ka Moea oa Hau. Ba inehela ho Uena, Morena. Ba nehela maphelo a bona ho Uena. Ba eme hobane ba sa hlajoe ke lihlong ka Evangelie ea Jesu Kreste. Re a tseba hore U teng mona, Topallo e kholo, Kreste, Moea o Halalelang.

. . . ho Mo adora!

Phefumoloho ea me, leseli la ka, tsohle ho 'na!

'Mopi e moholo ebile 'Moloki oa me,

'Me bottlalo bohole ba Molimo bo ahile ho Eèna.

<sup>152</sup> Bua ka mantsoe a hau feela joale. Ke Moya o Halalelang o u tlisitseng mona. 'Molelle feela hore u a Mo rata. Oona Moea o Halalelang o ba tsositseng ka Pentekosta, u eme mona u a lla, ho bokolla, ho nyakalla.

'Mopi o ebile 'Moloki oa ka,

'Me bottlalo bohole ba Molimo bo ahile ho Eèna.

Ha ho khang, nama le mali ke moloho oa Hae,  
(Leseanyana ka ho eena.)

A nka sebopheho sa motho, ho senola leano le patiloeng.

Oho sephiri se khanyang, Sehlabelo sa Kalvari,  
'Me joale ke a tseba U moholo "KE TENG."

Oho kamoo ke . . . (Oho Molimo!) Ke Mo adora  
joang!

Phefumoloho ea me, leseli la ka, tsohle ho 'na!

'Mopi e moholo o fetohile 'Moloki oa ka,

Me bottlalo bohole ba Molimo bo ahile ho Eèna.

<sup>153</sup> Oho lerato le ke keng la ntlhoboha, lerato le fuparang pelo ea ka ho feta ntho efe, monate oa Boteng ba Moea o Halalelang; kereke ea Hae e sa ntse e eme aletareng, ho adora, ho shalima

kahara sejelo, ho bona se bonoeng ke banna ba bohlale, Molimo o entsoeng nama.

. . . e bile 'Moloki oa ka,  
'Me botlalo bohle ba Molimo bo ahile ho Eèna.

<sup>154</sup> Phoso ha e le teng bophelong ba hau, ipolele eona joale ka pel'a Sefahleho sa Moea o Halalelang, ka khutso. Sheba ka pelong ea hau, ho bona haeba sejelo se le teng mono se ka mamellang nyatso, holima maipolelo a hau hore Ke Molimo.

. . . botlalo bohle ba Molimo bo ahile ho Eena.

<sup>155</sup> Ka lihlooho tsa lona tse inamisitsoeng joale, le ithapelle feela, bolona. Ona ke Moea o Halalelang. Na ha le utloe bonolo le mosa oa Moea oa Molimo, monate, Bophelo bo tsoellang?

<sup>156</sup> "Moo ho leng lipuo, li tla khaotsa. Moo hoo leng boporofeta, bo tla fela. Moo ho leng tsebo, e tla hlôleha. Empa mohla lerato le tlileng, le hlola kamehla." "Lerato le a mamella. Ha le ithorise. Ha le ikhohomose. Ha le etse hampe, ka bobe. Empa Le a re kokobetsa, le a re nolofatsa, le nonetsa moea oa hau ka monate."

<sup>157</sup> Ha re rapeleng joale, e mong le e mong ka mokhoa oa hae, ho leboha Molimo ka seo A se entseng.

<sup>158</sup> Oho Morena, ka mololi oa pina ena, e hlalosang ka linoto, ha se molumo o sa khethoeng, empa molumo o bolelang, ho rona, hore Molimo oa rona ke Mang, joalokaha Lentsoe le e hlalositse. Joale 'mino o a e hlalosa. Joale lipelo tsa rona li a e hlalosa, Morena, boitšaro ba rona nqa ho Uena. Re tla kapele. Ba ema ka maoto a bona. Ba U rata. 'Moho, Morena, re eme joaloka linku tsa Hau, linku tsa makhulo a Hau. Re rata Lijo tsena, Li molemo meeng ea rona. 'Me re a tseba Molimo o phela le rona. Re a tseba Molimo o ile oa khokhethelo ka ho Kreste, 'me Kreste o ile a khokhethelo ka ho Kereke.

<sup>159</sup> 'Me ke rona bana re eme kajeno, mohla marapeli a mefuta eohle, le mefuta ea—ea malumeli le mekhahlelo, mefuta eohle ea litumelo, empa koana Lentsoe le a Ipuella, Molimo o bonahalitsoe. Pontšo e kholohali ea hore Molimo o sa ntse o bonahatsoa nameng ea batho ba Oona, ho etsa tsona lipontšo le meeka, ho bonahala ka sebopaho sa Leru, Topallo, ho aha hara rona, ho senola lipelo tsa rona, ho re bolella tse tläng ho tla, ho folisa maloetse a rona, ho etsa hore re habe Leholimong hofihlela re sa itsebe. Ho fihlela, re etsa lintho tse makatsang, ho bana ba lefatše; ba emella thokoana ba tšeja, 'me ba re hopotse re hlanya, joalokaha ba entse ka Pentekonta, ho re, "Na bao bohle ha ba taho?"

Empa ke Mo ratang joang! Ke Mo adora joang!  
Phefumoloho ea me, leseli la ka, tsohle ho 'na!  
'Mopi ebile 'Moloki oa ka,  
'Me botlalo bohle ba Molimo bo ahile ho Eèna.

<sup>160</sup> Na u ka phahamisa matsoho a hau joale ho itlama ka tumelo ea hau ho Molimo, likano tsa hau ho Molimo, botšepehi ba hau le 'nete ho Molimo, kereke e tsoe?

<sup>161</sup> Rona joale, Morena, re itlhahisa ho Uena, ka mora lehlohonolo lena la ponahatso ea Boteng ba Hau, ho tseba hobane Molimo o sa ntse o bonahatsoa nameng ea rona. O fetohile lerole la rona, A fetoha moloho oa rona; Oa Itsoaka ho tsoa ho Molimo ho fetoha motho, hore motho a phele ka ho Eena. 'Me re U utloile hoseng hona, meeng ea rona. Re bona mesebetsi ea Hau le liponahatso tsa Hau. Re a U rata. Re itlamela ho Uena bocha: ho U hlompha, ho U rata, le ho etsa hohle hoo re ho tsebang, ho ka khahlisang, ho phela maphelo a kang a Bakreste, a ke keng a lihela sekhobo, empa e tla ba lehlohonolo Lebitsong la Hau le Halalelang le leholo. Sena re se etsa, Morena, joaloka bana ba Hau, ka Lebitso la Jesu Kreste. Amen.

<sup>162</sup> Ke batla ho le botsa ho hong pele le lula setulong sa lona. Na le kile la utloa monate o mokaalo? Monate oa Moea o Halalelang! Ha ho motho ea buang lentsoe; ho phahama feela ka boithaopo, ho tsoela kapele. Khanya ea Molimo! Le a bona?

<sup>163</sup> Esale ke rapela ke balisia, matsatsi a mabeli, tabeng ena. Ho feta moo. Ho tloha Sontaha se fetileng, kapa sa ho qetela, yaa, Sontaha.

<sup>164</sup> Kamoo pontšo eo e Kholohali, kamoo Molimo o boletseng, "Ke tla ba fa pontšo. Ke tla ba nameng ea bona. Ke tla tšoana le bona; ba tla tšoana le 'Na." O itse Mangeloi a ile a nyarela. Kapa ho boletsoe . . . Mangeloi a boleletse balisa, "Shebang sejelong, le tla bona seo Ke se bolelang." Pontšo eo e ne e sa etsetsoa Mangeloi feela. E ne e sa etsetsoa sa balisa feela. E tselitsoe lefatše, ho bona le ho lumela hore Molimo o ahile nameng.

<sup>165</sup> 'Me ka nyehelo ea nama eo, O halalelitse nama ea rona, A tle a ahe ka ho rona. Molimo ka ho lona. Krete ka ho lona. "Bonang, Ke na le lona kamehla, ho isa bofelong ba lefatše." Le se lebale sena. Le se boloke lipelong tsa lona.

<sup>166</sup> Ke amohetse limpho tse ling tse khabane tsa Keresemese, k'hamera ea lifilimi, le lintho tse ling tse ngata, lithunya le lintho, tseo batho ba nthatang, ba mphang tsona. Ke ananela seo hakaakang!

<sup>167</sup> Empa, oh, sena, Bophelo Bosafeleng bona, tiisetso e bokoang ea hore Krete o phela ka ho rona, hore botlalo ba Oona bo ahile ka ho rona, bo a re tsosa bo etsa hore re fapane. Hobane, uena, ha u etsa hoo, u fetoha mophaphathehi nqa lintho tsa lefatše. U fetoha moeti. O itemoha u shoelle linthong tsa lefatše, le ho phela bophelong bo bocha. Joale u se u le mojaki lefatšeng. U mojaki hobane u ipoletse phatlalatsa, ka boitšoaro ba hau, ho re, "Ho na le Motse oo Moahi le Mothei oa Oona e leng Molimo." Le a bona? 'Me ha u sa tsotella lintho tsena tsa lefatše, empa re batho ba habileng Leholidong ba batlang Motse oo Moahi le Mothei

oa Oona . . . oa Molimo. Re Peō ea Abrahama hobane re lumetse ho Morena Jesu Kreste, le ho shoa nqa lintho tsa lefatše, le ho tsosetsoa hape tsohong ea setšoano sa Hae; ho tsamaea joaloka Abrahama a entse, a batla Motse o tlang ho tla, ho nka Lentsoe la Molimo, ho bitsa ntho e 'ngoe le e 'ngoe e le e khahlano, ho thabisa mangeloi matlung a rona, joalokaha Abrahama a entse, manqosa a Molimo, a tlisitseng molaetsa. Oh, ke nako e kakang! Ho ipolela re sa hhole re batla letho la lefatše. Re batla Eena, homme Eena feela. Ke 'Moloki oa rona.

<sup>168</sup> Ha u tloha moahong ona hoseng hona, tsamaea le Eena. Le se ke la E lesa ho tloha le ka mohla. Eba mosa moeeng oa hau ka matsatsi 'ohle a ho phela ha hau. Molimo a le hlohonolofatse joale le sa khutlela litulong tsa lona, 'me bana ba fumane limpho tsa bona. Molimo a le hlohonolofatse.

<sup>169</sup> Na e t'il'o rapelloa? Ba thusé ho feta mona, khaftseli. Ho tla rapelisia.

Morena Molimo a hauhele moena enoa. Tlosa moea oa botahoia ho eena, Morena. A ke a tahoe ke Veine ea ncha ea Molimo. Ka Lebitso la Jesu Kreste. Amen.

<sup>170</sup> Na sena ha se Leholimo feela? Ba ba kae ba utloang seo, sena feela, monate feela? Ha ho motho ea tsebang hore a reng. Ha ke tsebe letho seo nka se buang. Ke mpa—ke a . . . Ke haelloa ke mantsoe. Ha ke—ha ke tsebe seo nka se buang. Moea oa Hae o kena feela, le a bona.

<sup>171</sup> Ke eng? Le ntse le fetoha likonyana, 'me Leeba le teng mona ho le tataisetso Lijong tsa konyana, Lijo tsa linku. *Tsená* ke Lijo tsa linku, "Motho a ke ke a phela ka bohobe feela, empa ka Lentsoe le leng le le leng le tsoang molomong oa Molimo." Meea ea rona e phela ka Seo.

<sup>172</sup> Ke nahana joale ke tla bona motsoalle oa ka ea molemo, 'Muelli Robinson, haeba le ka ema mohahong ho ntekanang ho fetola liaparo tsa ka, ho khutla, hoba ke fufuletsoe.

<sup>173</sup> Moena Neville o tla nka tšebeletso joale, nqa—nqa limpho tsa bana. Morena a le hlohonolofatse.

<sup>174</sup> Binang kamehla *Ho Theoha Khanyeng Ea Hae*. Ha le etsa joalo, le hopole seo re se lumelang ho Eena, "Botlalo bohle ba Molimo bo lutse ho Eena."

Molimo a u hlohonolofatse, Moena Neville.

<sup>175</sup> [Moena Neville o bua le Moena Branham—Mohl.] Yaa, haeba u mpatla joalo. ["E."]

<sup>176</sup> Moena Neville o mpotsa haeba ke tla khutla bosius bona, hape, ho rera bosius bona hape. Ha ke batle ho nka tšebeletso ea hae. Empa ke mona, ke mona ka morero oo. Ke botle, ke tla khutla bosius bona, ha Morena a ratile, ho bua ka tšebeletso.



*PONTŠO E KHOLOKHALI SST59-1227M*  
(A Super Sign)

Molaetsa wona, ka Moena William Marrion Branham, o rerilwe sethatong ka Senyesemane Sontaha hoseng, Tshitwe 27, 1959, mane Branham Tabernacle, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)